



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvrghensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Additiones.

urn:nbn:de:hbz:466:1-13591

VId. D. Laurent. Hochvart de Episcopis Ratisbonen. in Ep. Ottone libr. 2. cap. 19.

Exemplum Diplomatis Imp. M. Imp. Regis IV. à Dn. Hundio hic relatum, extat quoque apud Fr. Andream in Chron. pag. 192. aliquomodo diuersum; quod hic inserere libuit.

IN nomine sanctæ & indiuiduæ Trinitatis, *Heinricus* diuina fauente clementia, tertius *Romanorum* Imperator Augustus, omnibus Christi fidelibus tam futuris quam præsentibus notificamus, ac manenti memoriæ committimus, qualiter, tempore *Otonis*, *Ratisbonensis* ciuitatis Episcopi, quidam *Scotigenæ* pro cruciando corpore, saluandaque anima patria sua exularunt, ac diu orationum loca visitantes, *Ratisbonam* tandem venerunt, qui dum licentiæ prædicti Episcopi, assensuque *Dominæ Abbatis Willæ*, quæ tunc apud sanctam *Mariam* in Monasterio superiori præerat, Ecclesiam in *Witsen* S. *Petri* dictam, ad idem superius Monasterium atticulatam, Ministerio ordinis susciperent prouidendam; mox officinas claustrum adiutorio bonorum hominum ædificant, monachicamque vitam inibi celebrant, & ab eleemosynis fidelium tantum visitant. Tandem pro Dei misericordia concessum est eis aliquantulum iustitiæ & utilitatis ad eandem Ecclesiam pertinentis. Deinde ad me *Heinricum*, Dei gratiâ *Romanorum* Imperatorem tertium veniunt, & Mundiburdium defensionis meæ expetunt. Ego verò petitionibus eorum acquiescens, in mundum defensionis eos suscepi, & talem libertatem à prædicto Episcopo *Ottone* & *Abbatissa Hazega*, quæ tunc locum sanctæ *Mariæ* in superiori Monasterio regebat, eis acquisiui, vt nulla persona maior vel minor in eos, aut in bona eorum qualiacumq; Dominationem habeant, præter me & successores meos, Reges vel Imperatores, sed secum maneant absque omne iectione, vel perturbatione, orantes pro se & pro salute totius Ecclesiæ.

Locustamen subiectus sit superiori Monasterio, cui atticulatus potius ad defensionem, quam destructionem est. Datum Calen. Febr. ann. Dominicæ incarnationis M. LXXXVIII. indictione XII, anno vero ordinationis Dñi *Heinrici* XXXI. Imperij vero anno V. Actum *Ratisbonæ*;

Compositionem amicabilem per *Conradum* Episcopum, inter duos Conuentus nempe S. *Iacobi* & superioris Monasterij, super electione & institutione Prioris S. *Petri* extra muros *Ratisbon.* vrbs &c. reperies supra sub Monast. Obermunster.

S. PETRI MATRONAE.

IN vertice Matronæ montis, qui in superiori Bauaria D. Petro dicatus, Oeno continuatur, supra castrum *Falckenstein*, ac in illius ditione situm Monasteriū *Berchtoldus* Com. ab *Andechs* & *Diessen* Monachis S. *Benedicti* ædem condidit circa an. 1100. Auent. fol. 614. sed alib. fol. 692. ponit, quod *Arnulphi* Com. filij, *Poppo* *Berchtoldus* primus, *Otto* *Wolfrathusius*, & *Gebhardus*, hoc Monasterium fundarint. Defecit hoc Monasterium postea, ac excisum est in eo bello, quod *Ruodolphus* Dux *Bauariæ*, iussu Soceri sui *Adolphi*, Rom. Regis, contra *Menardi* Ducis *Carinthiæ* & Com. *Tyrolen.* filios rebelles Imperij gessit, Monachi in exilium acti; *Conradus* ab *Hornstain* eiusdem religionis, sacras reliquias ac librum *Missalem* perueterem, quæ adhuc hodie monstrantur, secum abstulit anno 1296. ac in sanctum montem *Andex* portauit, iuxta Auent. lib. 7. *Annalium*